

«Норуот  
күүһэ —  
көмүөл  
күүһэ!»

# ЭНГСИЭЛИ

2017 сыл  
Тохсунньу  
10 күнэ  
Оптуорунньук  
№1 (10553)

12+

1935 сыл алтынны 5  
күнүгэр төрүттэммитэ

Нам улуунун хаһыата

1996, 2005, 2009 сылларга  
«Сыл бастыг хаһыата»

## БЭБЭНЭЭ... БҮГҮН... САРСЫН...

Улуус баһылыгын  
мунһабыттан  
бэлитээһиннэр

2017 сыл дойду үрдүнэн РФ Президентэ Владимир Путин дьаһалынан Экология сылынан, республикабытыгар Ил Дархан Егор Борисов ыйаабынан Ыччат сылынан уонна улууспутугар «Нам улууһа» МТ баһылыга Александр Атласов дьаһалынан М.К. Аммосов төрөөбүтэ 120 сылынан биллэриннэ.

\*\*\*

Ахсынны 25-28 күннэригэр 17 оскуолаттан 22 чабылхай үөрэнээччи Ил Дархан харыйатыгар сырыттылар. Маны таһынан ый бүтүүтүгэр Хатын Арыы оскуолатыгар Нам улуунун баһылыгын харыйата буолан ааста. Манна улуус оскуолаларыттан уонна эбии үөрэхтээһин кииниттэн барыта 100 үөрэнээччи кыттыны ыллылар. Үөрүүлэх тэрээһингэ бастынарга 6 анал ааттары туттардылар. Бу күнүргэ 41 үөрэнээччи «Инникигэ харды» республикатаабы научнай-практической конференция кытта бардылар.

\*\*\*

ЕДДС иһитиннэриитинэн, саҥа дьыллаабы өрөбүллэргэ тэрилтэлэргэ, оскуолаларга, детсадтарга дьуурустуба олохтонон этэнгэ ааспыт, дьуурунайдар иһитиннэриини бириэмэттэргэ биэрэ олохторун. Полицияга ахсынны 2 күнүттэн 8 күнүгэр диэри 37 иһитиннэри кирибит, суһал көмөбө 207 киһи наадыбыт. Саҥа сыл бастакы нэдиэлэттэргэ 4 кыыс оҕо күн сириин көрбүт.

\*\*\*

Үөрэх салаатыгар тохсунньу 1 күнүттэн саҥа сокуон кириэн, бастакы кылааска оҕолору ылыыга уларыы кирибит. Ол курдук, былырын төрөшүт оҕотун оскуола суругунан уонна электроннай көрүнүнэн сайбылынан суруйан бастакы кылааска киллэрэр эбит буоллабына, быйылгыттан электроннай эрэ көрүнүнэн ылар буолбуттар.

\*\*\*

Үгэс быһытынан, тохсунньу 17 күнүттэн саҥа лаан, Нам улуунун дьаһалтатын 2016 сыллаах үлэтин нэһиликтэргэ отчуота саҥаланыа. Онтон олунньу ыйга СР правительствотын отчуота буолара былааннанар.

\*\*\*

Тыа хаһаайыстыбатын управлениета иһитиннэриитинэн, СР тыатын хаһаайыстыбатын министрствотыттан үп көрүлэн, атын улуустартан кыстыкка от таһытыгар үлэ ытылла турар. Кэбээйи оройуонун Сииттэттигэр таппыттар. Аны Амматтан, Чурапчыттан, Уус Алдантан таһалара былааннанар.

Бэлиттэн С. АРГУНОВ

### Үөрэх зйгэтигэр

Ахсынны 29 күнүгэр «Нам улууһа» МТ баһылыга А.П. Атласов харыйата үрдүк таһымга буолан ааста. 25 оскуолаттан, 5 эбии үөрэхтээһин тэрилтэлэриттэн 100 бастыгтан бастыг үөрэнээччи муһунна.

Тэрээһин үөрүүлэх чааһын «Нам улууһа» МТ баһылыга А.П. Атласов арыйда, оҕолор ситиһилэрин иһитиннэрдэ: улуус үрдүнэн ааспыт 2016 сылга 441 оҕо маҥнайгы кылааска кирибит, онтон быйылгы үөрэх сылыгар 603 оҕо 9-с уонна 11-с кылааһы бүтэриэхтээхтэр. Ааспыт үөрэх сылыгар Нам улуунун гимназиятыттан, Нам 1, 2 №-дээх орто оскуолаларыттан, Хамаҕатта саха-француз лицейиттэн, Хатын Арыы, 2 Хомустаах, Түбэ оскуолаларыттан 14 оҕо кыһыл көмүс, 4 үрүн көмүс мэтээллэринэн оскуоланы бүтэрэн үрдүк үөрэх кыһатыгар ситиһилээхтик туттарсан, сөбүлүүр идэлэригэр үөрэнэ сылдьаллар. Бири кэлим экссэмэнгэ мунгутаан үрдүк бааллары быйыл ылбыттар: Намнаабы гимназияттан Еремеева Аграфена, Дьяконова Сардаана, Гуляева Айыына, Казанова Арина, Хамаҕатта саха-француз лицейиттэн Ильина Алина, Аммосов Иван, Дунаева Күннэй, Нам 1-дээх оскуолатыттан Семенова Наталья, Николаева Виктория, Хатырык орто оскуолатыттан Докторова Мавра. Оҕолор сыллата Бүтүн Россиятаабы уонна Саха сиригэр оскуола оҕолоругар ытыллар үөрэх предметтэрин



## СУҤУМНУУР СУЛУСТАР

олимпиадаларыгар, араас таһымнаах, көрүннэх күрэхтэргэ элбэх ситиһиллэннилэр.

Салгыы «Созвездие талантов» анал ааттары туттары ытытылына. «Сыл бастыг лидер» анал ааты «Нам улууһа» МТ баһылыга И.И. Сивцева туттарда. 3 оҕо номинацияга кирибиттэн, Доромонов Валера кыайда. Россиятаабы оҕо хамсааһын координатора, СР ыччат политикатын туйгуна Нь.В. Макарова «Интеллект года» анал ааты

И.Е. Винокуров аатынан Хатын Арыы оскуолатын 11-с кылаас үөрэнээччитигэр Бетюнской Олега туттарда. «Бастыг чинчийээччи» анал аат хаһаайынынан Е.С. Сивцев-Таллан Бүрээ аатынан Бөтүг орто оскуолатын 11-с кылааһын үөрэнээччитэ Афанасьев Георгий буолла. «Сыл бастыг талаана - Ильина Светлана, Үөдэй орто оскуолатын 11-с кылаас үөрэнээччитэ, «Бастыг айар бөлөх» хаһаайына 1 №-дээх Нам орто оскуолатын

«Айар Куо» муодунай агентствотын бөлөбө буолла. «Сыл бастыг оскуола хаһыата» ааты Н.С. Охлопков аатынан Намнаабы гимназия «Тинейджер» бөлөбө ылла. Бастыгтан бастыг үөрэнээччилэр араас өйдөбүннүк бэлэһтэринэн наҕараадаланнылар.

Тэрээһин долгутуулаах чааһын «Ылдьаа ыччаттара» саҥа дьыллаабы тэтимнээх, тэбэнэттээх остуоруйанан түмүктээтилэр.

Аксинья ТАТАРИНОВА

### Тупсарыы сылыгар



Ааспыт сылга биһиги улууспутугар федеральной, республиканскай, муниципальнай программаларынан элбэх дьэ-уот тутулунна, гаас, электрической уот, уу ситимнэрэ тардылыннылар, суол-иис да балай да оҕоһулунна, өрөмүөннэнэ. Ол курдук, «Мин Саха сирэ — XXI үйэ» республикатаабы үтүө дьыала хамсааһын программанан 2 Хомустаахха эдэр специалисттарга аһамыт 4 кв. дьэ тутулунна.

Арбынна 25 миэстэлээх оҕо

саадын уонна Кыһыл Дэриэбинэ МФЦ (элбэх функциялаах киин) дьэ-уот тутуу саҥаланна. Бу тутуулар 2017 сылга үлэ-бэ киллэриллиэхтээхтэр. «Хаачыстыбалаах дьээннэ хааччыы» диэн СР Государственной программатынан 1 Хомустаахха 12 кв. олохтор дьэ, Нам сэлэньтэтигэр 38 уонна 4 квартиралар, Хамаҕатта 2 квартиралар олохтор дьэ-уот тутуулар саҥа дьэни күүтээччилэргэ бериллэннилэр. Үөдэйгэ 2 квартиралар дьэ тутуула турар, 2017

## ТУТУУ — САЙДЫЫГА ТИРЭХ

сылга бүтүөхтээх.

«Тулааһа оҕолору дьэ-уот тутуу» программанан Хамаҕатта 7 кв. дьэ тутууга быйыл саҥаланна, 2017 с. бүтэр.

«Биридиэлэн ыаллар олохтор дьэ-уот тутуу» подпрограмманан улуус үрдүнэн тустаах кварталларга инженерней ситимнэри (гаас, уот) тартарыга, онорторууга көрүлүбүт 12 мөл. 978 тыһ. солк. субсидиянан Нам с. Таттинскай уулуссатыгар, Хамаҕатта с. «Киэн хонуу» кварталыгар, Түбэ «Кытыл» кварталга, Маймаҕа «Аргыс» кварталга, Модукка «Перспектива» кварталга, Салбанга «Элбэх оҕолор ыаллар» кварталларыгар, Аппааныга «Чаран» кварталга былааннамыт үлэлэр ытытыннылар, ытылла тураллар.

«Тыа сириин бигэтик сайыннары» тус сыаллаах федеральной программанан Аппаанытаабы «Озернай» квартал тутууга түмүктэннэ. 455 уһаабыга гаас,

электричество ситимнэрэ тардылыннылар.

Өргөлөөх-Салбан суола 3,5 км оҕоһулунна. Манна 8 мөл. 479 тыһ. 154 солк. үбүлээһин көрүлүбүт.

Партизан иһинэн ааһар 2,9 км усталаах, Модут иһинэн ааһар 1 км усталаах, Граф Бизергэр тиэрдэр 3,7 км усталаах суоллар оҕоһулуннулар. Хамаҕатта, Бөтүгнэ, Граф Бизергэр уу ситимин тардыга үбүлээһин программалаа көрүллэн, үлэлэр ытытыннылар. 2 Хомустаах «Сэргэлээх» кварталыгар 1 км усталаах уулусса оҕоһулунна. ТХМ программатынан 23 эдэр специалисттар, 10 эдэр ыл, 3 граждандар саҥа дьэ-уоттунулар.

Улуустаабы тутуу управлениетын салайааччылары кэпсиппэлэринэн, үүнэр 2017 сылга араас программаларынан элбэх тутуу үлэтэ ытыллара былааннанар.

И. ИВАНОВ

### Бу — интэриэһинэй!

Тохсунньу 7 күнүгэр, Орхооспо күн, дьоллоох Дьокуускай куоракка «Триумф» спортивной комплекса саха эстрадалар сулустара кыттылаах «Рождественская звезда» гала-концерт ытытыллыбыта. Онно кирии билиэтинэн 2 — бири хостоох квартира, 10 — норка саҥыннаах, 8 — «Вепрь-308» карабин, 6 — «Айфон» смартфон, 2 — ХВОХприставка, 2 — «Маневр» автооскуола үөрэнэргэ сертификат, 2 — Таиланга путевка, 2 — убаһа, 2 — лодка мотора, 2 — тоҥорор камера, 2 — телевизор, 2 — таҥас сууйар массыына оонньоннулар.

Нам улуунуттан үгэс дьон кыттыны ылбытыттан, Ленскэй нэһилиэк депутата, илиитигэр бааттаах Попова Вера Васильевна норка

## БААТТААХ НАМНАР



саҥыннаабы сүүйүн үөрүүтэ үксээтэ. Бириинин ыла тахсан баран, аны Көбөкөнтөн төрүттээх, үс оҕолоох эдэр ийэ Иванова Надежда Петровна супер-бириис билиэтин тардан ыла. Ол бириис — бири хостоох дьэ. Надежда Петровна «Киин» киинтеатрыттан бэйэтигэр уонна кэргэнигэр икки билиэти, оттон Вера Васильевна кыһа кэргэнинэн эмиэ ити сиртэн икки билиэти ылбыттар эбит.

Киһи үөрүү, сүүйбүт бириестэрин бырыһыанын тугу да төлөөбөттөр. Улахан бириис хаһаайыттарынан буолбут бири дойдулаахтарбытыгар ити-истиң эбэрдэ! Табыллы, сатаныы эһигиттэн араһатын, дьоллоох буолун!

А. СОЗОНОВА

### Оҕо — олох сибэккитэ

## СЫЛ БАСТАКЫ ОҕОТО

Быйыл, 2017 сыл, тохсунньу 2 күнүгэр сарсыарда 10 чаас 17 мүнүүтэ улуустаабы балыһа родильной отделениетыгар I Хомустаахтан сылдьар Антонина Иннокентьевна Маркова, Никита Гаврильевич Слепцов дьэ кэргэн кыыс оҕолоннулар. Кыракый кыысчаан 4,180 кг ыйааһыннаах, 53 см уһуннаах.

Бу сылга эбэлэрэ Александра Николаевна Маркова 100 сааһын томточу туоларынан сибээстэн, бастакы күүтүүлээх, маанылаах кыыстарын Александра диэн сүрэхтээбиттэр. Эдэр ыалга долуусоруну, кыракый киһиэһинигэр чэгиэн доруобуйаны баҕарабыт.

А. СОЗОНОВА





Улууспут хамсаабат баайын-дуолун, сирин-уотун дьаһайар «Нам улууһа» МТ КУМИ-та МКУ салайааччытын эбээһинэнин толорооччу Сивцев Анатолий Русланович кэпсириинэн, сир учаастагын бас билиигэ, болдьоҕо суох нэһилиэтибэлээх туһаныыга, түүлээһинэн илдьэ сылдьар гражданныр, бааһынай хаһайыстыбалар, араас көрүннээх, дьарыктаах тэрилтэлэр элбэхтэр. Кинилэртэн кадастрдаты докумуонун онорторо, сирдэрин учаастагын быһаттара, чопчулата, государственнай кадастровой учуокка туруортаран электроннай каартаҕа киллэртэрэ, сирин бас билиигэ быраап государственнай регистрациялатыны онорторо иликтэр өссө да бааллар эбит.

Онон улууспут нэһиликтэригэр билигин да сир учаастагын докумуоннаты быттан, ситэ ытылла илик. Сорох гражданныр, тэрилтэлэр араас биричиинэнэн сир учаастагын быһааһыны (межевание) онорторо, кадастровой үлэни ыттаран государственнай кадастровой учуокка туруортара иликтэр. Ити барыта булкууру таһаарар, үлэ сууххайдык барытыгар кэккэ мэхэйдэри үөскэтэр, сорох дьон бырааптара күөмчүлэниитигэр да тиэрдэн сөп. Ону туоратар үлэ бары хайысханан түргэнник, көдүүстээхтик барарын туһугар гражданныр сир учаастагар бырааптарын мэкитиэлиир докумуоннары хайдах бэрээдэктээхтик онортороохтаахтарын сөбүн туһунан тустаах органныр сүбэлэрин билиһиннэрэбин, баһар, кимиэхэ эмэ туһалаарай.

**Сирин бас билиигэ, болдьоҕо суох туһаныыга быраабы бигэргэтэр сибидиэтэлиэтибэ эргэ образецтарын илдьэ сылдьааччылар:**

Бастагы харды — кадастровой инженери булуохтаахтар;

Иккис харды — инженери кытта кадастровой үлэни ытыгы дуоҕабарын түһэрситтэхтэр;

Үһүс харды — государственнай кадастровой учуокка киллэртэриэхтэхтэр;

Төрдүс харды — быраабы регистрациялатыахтаахтар.

Кадастровой инженер Государственной реестргэ хайаан да баара чуолкайданыахтаах. Кадастровой инженер кадастровой үлэни ытыгарын таһынан, быраабы регистрациялааһыны уонна кадастровой учуокка туруорууну сэргэ экспертизациялааһынга өгөлөрү оноруон сөп. Манньк өгөлөрү икки кадастровой инженертен аһыаҕа суох инженердээх юридической сирэйдэр оноруохтарын сөп.

Кадастровой инженери кытта түһэрсиллэр бэдэрээт дуоҕабарыгар икки өрүт илии баҕтааһына, дуоҕабары түһэрсии кэмэ уонна өрүттэр реквизииттэрэ баар буолуохтаах.

Быраабы регистрациялааһынга өгөнү онорууга докумуону онорторооччу дэбиэринэс суруйар. Ону дьаһалта баһылыга бигэргэтиэн сөп. Нотариуһа суох нэһиликтэргэ олохтоох дьаһалта баһылыга нотариальной дьайылыра онорор бырааптаах (пп. 3, п. 1, ыст. 14.1 ФЗ «Об общих принципах организации местного самоуправления в РФ» от 06.10.2003, № 131-ФЗ).

Дуоҕабарга кадастровой үлэ-лэри толоруу сыаната уонна болдьоҕо, ону сэргэ өссө ханнык өгөлөр оҕоһуллаллара хайаан да ыйыллыахтаах.

Сир учаастагын государственнай кадастровой учуокка (ГКУ) туруорар туһунан сайабылыаннаһы «Мои докумен-

ты» диэн муниципальной уонна государственнай өгөлөрү онорор киин нөҕүө, эбэтэр СР «Росреестр ФКП» государственнай регистрация, кадастр уонна картография федеральной сулууспатын филиалыгар тус бэйэ тийиэн, эбэтэр почта нөҕүө тиксэриэххэ, ытыахха сөп.

ГКУ-га туруортарыыга ирдэнэр: сайабылыанна, личноһы

**регистрациялааһынга манньк докумуоннар наадалар:**

— сайабылыанна, паспорт, кадастровой паспорт (МФЦ нөҕүө сайабылыанна бэриллэр буоллаһына ирдэммэт); сайабылыаннаһы бэрэстэбиитэл туттарар буоллаһына, доверенность; сайабылыанна бээрээччи хамсаабат баай-дуол объектар бырааптааһын бигэргэтэр эбэтэр олохтуур докумуон (холобур, эргэ формалаах сибидиэтэлиэтибэ).

Физическэй сирэй (гражданин) сир учаастагын бас билиигэ быраабын государственнай регистрациялатыгытын иһин, РФ Налоговой Кодексын 333.33 ыст. олоһуран, 350 солк. пошлина туттулар. Онтон бөһүөлөк кыраныссата иһигэр госпошлина төлөбүр 2000 солк.

Этиллибит барытын толорбут гражданныр сир учааста-

ларыгар кэккэ уларытылары киллэри туһунан» Федеральной сокуонунан мэкитилэммитэ.

Кадастровой паспорт «Оһуобай бэлиэтэһиннэр» диэн строкагыгар: сир (учаастак) иэнэ сабадалааһыннан, быһааһыннан (межевание) чопчуланар, эбэтэр сокуонна сөп түбэһэринэн кыраныссата быһаарыллыбата диэн ыйылларын болдомтоҕо ылыллыахтаах.

ГКН сибидиэннэтигэр уларытылары киллэртэригэ сайабылыаннаһы түөрт көрүнүнэн («Мои документы» киин (МФЦ) нөҕүө, эбэтэр СР «ФКП Росреестр» ФГБУ филиалыгар бэйэ тийиэн, эбэтэр почтанан, эбэтэр итэҕэйэр кинигитинэн) тиксэриэххэ, ытыахха, киллэриэххэ сөп.

**Кадастровой учуокка уларытыны киллэртэригэ манньк**

II харды — кадастровой инженердин бэдэрээт дуоҕабарын түһэрсии;

III харды — уларытылыра кадастровой учуокка ыллартары;

IV харды — ЕГРП-га (наада буоллаһына) уларытылары киллэртэри.

**Технической сыһаны көннөрүүгэ докумуон СР Росреестрын территориятааһы уонна оройуоннар икки ардыларынааһы салааларыгар, «Мои документы» (МФЦ) киингэ бэриллэр.**

**Ирдэнэр:** сайабылыанна (атын да киһи биэриэн сөп), личноһы туоһулуур докумуон (паспорт). СР «Федеральной кадастровой палатата» ФГБУ филиала боппуруоһу сөптөөх диэтэһинэ, тахсыбыт техническэй сыһаны көннөрүллүбүтүн

# НАБЫЛЫЙАН ОЛОРБУППУТ ТОХТУОХТААХ




**докумуоннар наадалар:** сайабылыанна (почтанан ытытылар буоллаһына, нотариуһунан бигэргэммит буолуохтаах); межевой былаан; бэрэстэбиитэл бэйэтин докумуона (паспорта); сайабылыаннаһа хамсаабат баай-дуол объектар бырааптааһын олохтуур эбэтэр бигэргэтэр докумуон куоппуйата (хайаан да сайабылыаннаһа сыһаарыллыахтаах диэн ирдэммэт). Балара тутуспуттарга, толорбуттарга сир учаастагын координаттара ыйыллыбыт кадастровой выписка туттарылар. Быраап биер кэлим государственнай реестригэр уларытылары киллэртэргэ гражданныр бэйэтэ, эбэтэр бэрэстэбиитэлэ

туһунан быһаары куоппуйатын уонна сир учаастагар бырааптаах киһиэхэ кадастровой паспоры онорон биэрэр.

Боппуруос манна быһаарыллыбат түбэлтэтигэр сайабылыаннаһа сир учаастага баар миэстэтин чуолкайдатыыга кадастровой инженери кытта дуоҕабар түһэрсэн кадастровой үлэ-лэри ыттарыан наада.

Уларытылар кадастровой учуокка киллэриллилэригэр ирдэнэр: сайабылыанна, гражданин паспорта, сир межевой былаана, бэрэстэбиитэл докумуону киллэрэр буоллаһына, киһи паспорта, сайабылыанна почтанан бэриллэр буоллаһына, нотариус бигэргэтиитэ наадалар. Бу ирдэ-



бигэргэтэр докумуон (паспорт), межевой былаан. Сайабылыанна почтанан ытытылар буоллаһына, нотариальной бигэргэтиилээх, сыһаарыллыбыт докумуонна уопустара баара уонна аадырыска тиксэриллибитин туһунан биллэри баара ирдэнэр.

Үөһэ ахтыллыбыты толору тутуспуттарга сайабылыанна Росреестр тэрилтэтигэр тийибит күнүттэн 10 күнүнэн (үлэ күнэ) сир учаастагын кадастровой паспорта оҕоһулан тиксэриллэр.

**СИРГЭ БЫРААП ДОКУМУОНУН РЕГИСТРАЦИЯЛАТЫ**

Гражданин бэйэтэ эбэтэр киин бэрэстэбиитэлэ доверенноһунан докумуоннары СР «ФКП Росреестр» ФГБУ филиал оройуоннар икки ардыларынааһы уонна территориальной отделларга эбэтэр «Мои документы» (МФЦ) киин тэрилтэлэригэр туттарар.

**Быраабы государственнай**

гы бас билиигэ бырааптааһын туһунан сибидиэтэлиэтибэ бэриллэр. Сибидиэтэлиэтибэ гражданнын хайдах ылын баһарын туһунан сайабылыаннаһа суруйбутуунан тиксэриллэр.

**«Дачнай амнистия» чэрчитинэн сир учаастагар сана сибидиэтэлиэтибэлээх уонна кадастровой паспорттаах буоллаһытына:**

I харды — кадастровой инженери булабыт;

II харды — кинини кытары бэдэрээт дуоҕабарын түһэрсэбит;

III харды — ГКН (хамсаабат баай-дуол государственнай кадастра) сибидиэннэтигэр уларытыны киллэртэригэр;

IV харды — ЕГРП (быраап биер кэлим государственнай реестра) уларытыны киллэртэригэр.

Манньк быраап РФ 93-ФЗ №-дээх 30.06.2006 с. «Хамсаабат баай-дуол сорох объектарыгар гражданныр бырааптарын судургутук онорон биэри боппуруоһугар РФ сокуонун акта-

манньк докумуоннары туттарара ирдэнэр: сайабылыанна; личноһы бигэргэтэр докумуон (паспорт); кадастровой выписка (булгуччута суох); сайабылыаннаһа бэрэстэбиитэлин бигэргэтэр докумуон (дэбиэринэс, паспорт).

Манньк докумуоннары тиксэрибит, көрдөрбүт киһи сир учаастагар бырааптааһын туһунан госреестрга бырааба суруллар уонна ону туоһулуур выписка бэриллэр.

**Сир учаастагар сибидиэтэлиэтибэ сана көрүнүн, межевой былааны (эбэтэр земельной дьыаланы) уонна кадастровой былааны илдьэ сылдьааччылар сирдэрин учаастагын кыраныссата ГКН-га (территория кадастровой былааныгар) суох, көстүбэт буоллаһына:**

I харды — тахсыбыт техническэй сыһаны-халтыны көннөртөрүү;

били тутуспут киһи координаттара ыйыллыбыт сир учаастагын кадастровой докумуонтан устан ылыны (выписканы) ылар.

**Быраап биер кэлим государственнай реестригэр (ЕГРП) уларытылары киллэртэригэ докумуоннар СР Росреестрын филиалын салааларыгар, эбэтэр «Мои документы» киин тэрилтэлэригэр (МФЦ) гражданин бэйэтэ эбэтэр дэбиэринэстээх бэрэстэбиитэлэ туттараллар.**

**Онно баар буолуохтаах:** сайабылыанна, гражданин паспорта; кадастровой докумуонтан устан ылыны (выписка, бу докумуон хайаан да баар буолара ирдэммэт); бэрэстэбиитэл боломуочуйалааһын бигэргэтэр дэбиэринэс (дэбиэринэстээх бэрэстэбиитэл сайабылыаннаһы бэйэтэ биэрэр буоллаһына). Манньк ирдэбили толорбут киһи сир учаастагар бырааптааһын туһунан сибидиэтэлиэтибэни ылар.

**Бэлэмнээтэ И. ИВАНОВ**



Учуутал — уус чулуута

Куудара баттаар баанчытаах, биэстээх кыысчаан ким эрэ кэлиэхтээгин кэтээн дьиэтин түннүгүттэн араһпат. Санаатыгар Саҥа дьыл түргэнник кэлэн, Тымныы оҕонньортон бэлэх ыла охсон, кини саамай күүтэр күнэ — төрөөбүт күнэ үүнэрин кэтэр. Бу Константиновтар эдэр ыал улахан кыыстара — Айна.

Ол оҕо сааһын дьоллоох түгэннин санаан кэллэринэ, билигин нэһилиэк дьоһун ыалын ийэтэ, убаастанар учуутал, салайааччы, номнуо Айна Константиновна ис иһиттэн үөрэрэ, сылаанньыйар. Оттон кини билигин кэрдийс кэмин түбүгэ оскуолатын саҥа дьыллаабытырааһын-ныһыга умнуллубаттык, уратытык ытытыллан, оҕо-аймах астынар, үөрэр түгэнин бэлэхтээһин.

Айна Константиновна дьоллоох оҕо сааһа Бастакы Хомустаах нэһилиэгэр Светлана Георгиевна уонна Константин Николаевич Константиновтар иллээх-эйэлээх дьиэ кэргэнгэ иккис оҕонун күн сириин көрөн, ааспыт. Ыал улахан кыһын быһыытынан, ийэ-аҕа эрэллээх көмөлөһөөччүтэ, балыстарыгар кыһамныһаа эдьийи. Ийэтэ Светлана Георгиевна кыргыттарын дьиэ хаһаайкатын араас кистэлэннэригэр үөрэтэн, кыргыттар бары даҕаны иистэннэн, асчыт бастыһынара. Төрөппүттэрэ иккиэн улууска биллэр ырыа куттаах дьон буолалларынан, оҕолор кэрэ эйгэтигэр бүөбөйдэнэн улааппытара.

Айна Константиновна оҕо эрдэбиттэн көнө, судургу майгылаах, ханнык даҕаны сымыйа, мөкү өрүттэри кытта сөпсөспөт сүрүн көрүүлөрдөөх. Оскуола, кылаас общественной олоһун көбүлээччи, пионерскай этэрээт председателэ, кылаас салайааччытын «уҥа илиитэ» - бу барыта Айна ылыммыт дьыалатыгар, эппит тылыгар бэринилээх буоларыгар олук буолбут эбит. Үөрөбүр өрүүтүн туйгун үөрэнээччи, тэҥинэн бары предметтэргэ

уһулуччу кыахтааһын бииргэ үөрэммиттэрэ, учууталлара бэлиэтиллэр. Дирин билиини биэрбит учууталларын кини бүгүн Татьяна Макаровна Соловьеваны, Мария Романовна Колмогорованы, Семен Никитич Тимофеевы, Михаил Николаевич Дьяконовы, Анна Яковлевна Семеновнаны, Мария Афанасьевна Соловьеваны уода. ааттыыр.

1984 сыллаахха оскуоланы ситиһилээхтик бүтэрэн, Дьокуускайдаагы 1 №-дээх педучилищеҕа үөрэнэ кириби-

Иванов Яша, Колесов Ваня республикатаагы видеоролик куонкурустарыгар ситиһилээхтик кыттыбыттыра. Ол курдук, 2008 сыллаахха «Решай сам» видеоролик онгоннор, республикатаагы куонкуруска II миэстэ, 2010 сыллаахха оҕо телестудияларын республикатаагы «Мы — за ЗОЖ» куонкурустарыгар «Мастера-педагоги — детям» номинация кыайыылаахтарынан, 2011 сыллаахха республикатаагы «Новое пространство России» социальной реклама куонкуру-

дагогической аабылыгар «Создание социальной рекламы детьми в условиях детской телестудии» дакылаатынан I миэстэлээх дипломунан наҕараадаламмыта. 2012 сылтан Айна Константиновна I Хомустаах орто оскуолатыгар директоры иитэр үлэҕэ солбуйааччынан ананан ситиһилээхтик үлэлии сылдьар. Билигин иҥчаты, оҕону «личности» быһыытынан иити-үөрэти саҥа кэмгэ саналы технологияны ирдиир. Федеральной государственной үөрэх

спортивной күрэхтэргэ түөлбө, нэһилиэк чизин көмүскээн кэллилэр. 2010 сыллаахха нэһилиэк «Спортивной дьиэ кэргэн» номинация хаһаайыннарынан буолбуттара.

Олоххо көхтөөх позициялаах, бэринилээх майгылаах буолан, Айна Константиновна нэһилиэк, оскуола, түөлбө общественной олоһунан туора турбат. Ол курдук, «Дьулуур» түөлбө салайааччытынан, «Сайдыы» оҕо айымньытын дьиэтин профсоюзнай комитетин председателинэн, кылаас, оскуола төрөппүт комитетин председателинэн үтүө суобастаахтык үлэлээн кэллэ.

Айна Константиновна талан ылбыт идэтигэр, тапталыгар, дьиэ кэргэнигэр, доҕотторугар бэринилээх киһи буолан, дьон ытыктыбылын, үөрэнээччилэр тапталларын, төрөппүттэр махталларын ылар дьоллоох киһи буолар.

Бүпшэт түбүктээх үлэ күнүн кэнниттэн Айна Константиновна дьиэтигэр тиэтэйэр. Онно куудара баттахтаах, элбэх минньигэс кэпсээннээх 4-тээх сиэнэ Сардаана кыыс эбэтэ оскуолаттан кэлэрин кэтэһэн эмиз түнүктэн араһпат... Олох салҕанар, саҥа саҕахтары саҕар...

Күндү дьүөгэбитин, бииргэ үлэлиир коллегабытын, салайааччыбытын Айна Константиновнаны үйэ анардаах үбүлүөйүнэн ис сүрэхпиттэн истинник эбэрдэлибит! Бастакы Хомустаах орто оскуолатын коллектива, үөрэнээччилэрэ үтүө доруобуйаны, дьиэ кэргэнин, чугас дьонун тапталларынан угуттанан, дьону-сэргэн ытыктыбылын кынаттанан инникитин өссө айымньылаах олоһу, ситиһилээх үлэни-хамнаһы, үөрүүнү-көтүүнү баҕарабыт. Эн дьиэ кэргэнгэр эйэ эрэ энгэрдэстин, дьол-соргу тосхойдун!

Елена ЖИРКОВА, психолог, СР үөрэҕириитин туйгуна

# БЭРИНИЛЭЭХ КИҢИ, УЧУУТАЛ, САЛАЙААЧЧЫ

тэ. Устудьуон көхтөөх олоһун үөһүгэр икки сыл элэстэнэн билибэккэ ааспыт. Үөрэбин бүтэрэн, эдэр специалист аатын сүгэн Айна Константиновна 1986 сыллаахха Уус Майа улуунун Звездочка бөһүөлөгүн оскуолатыгар алын кылаас учууталынан үлэтин саҕалаабыта. 1988 сыллаахха төрөөбүт нэһилиэгин оскуолатыгар пионер баһаатайынан үлэлии кирибитэ. Онтон ыла төрөөбүт нэһилиэгин ыҥчаттын иити-үөрэти эйгэтигэр 28 сыл тус кылаатын киллэрэн, үлэлээн кэллэ. 1996 сылтан «Сайдыы» оҕо айымньытын дьиэтигэр бастаан методичынан, онтон «Блллык» телестудия куруһуогун салайааччытынан таһаарылаахтык үлэлээбитэ.

Бу үлэлиир сылларыгар олохтоох «Кэнкэмэ» телевидениетин «Блллык» телестудия биэриилэрин олохтоохтор көтүпкээк көрөр буоларбыт. Олохтоох үөрэх эйгэтин үлэлэрин, үөрэнээччилэр ситиһилэрин сырдатар биэриилэри куруһуок оҕолоро бэйэлэрэ сценарийын суруйан, интервью ылан, монтахтаан таһаараллар этэ. Кэнники сылларга «Блллык» телестудия куруһуогун үөрэнээччилэрэ Новгородов Дьыгын,



ска «Жизнь без вредных привычек» номинация кыайыылаахтарынан аатын сүкпүттэрэ.

Айна Константиновна идэтин таһымын үрдэтинэр куурустарга өрүү үөрэнэн, билиитин таһымын сайыннара кыһаллар. Ону таһынан, араас куонкурустарга кыттар. 2007 сыллаахха улуустаагы эбии үөрэхтээһин педагогтарын «Сердце отдаю детям» куонкурус «За творческий подход» номинация хаһаайката, 2011 сыллаахха регионаагы пе-

стандартын чэрчитинэн ытытыллар куруһуоктар, урогу таһынан дьарыктар оҕо интэриэһин таба тайанан, дьобуруун арийан ситиһилээх киһини иитэн таһаарарга оскуола оҕо сайдар эйгэтин тэрийи — кини үлэтин сүрүн соруга. Кэнники сылларга оскуолабыт үөрэнээччилэрин ситиһилэрэ ону туоһулууллар. 2014 сылтан оскуола «Создание образовательной бизнес-среды в условиях сельской школы» диэн темаҕа экспериментальной площадка быһыытынан үлэлиир. Бу үлэни итиэннэ үүнэр көлүөнэни иитиэ уонна үөрэтигэ ситиһилэрин үгүс Бочуотунай грамоталар, хайҕал суруктар туоһулууллар. 2015 сылга сыраалаах үлэтэ «Саха республикатын үөрэҕириитин туйгуна» бэлиэнэн наҕараадаламмыта.

Айна Константиновна кэргэнинэн Иван Денисовичтын 4 оҕону төрөппүт, 2 сиэни бүөбөйдээр дьоллоох дьиэ кэргэн. Федоровтар араас элбэх

## Нам улууһа – спорт түһүлгэтэ

Ахсынньыга республикаҕа спорка общественно Саха сиригэр бокса сайдыытыга 60 сылыгар анаан араас таһымнаах тэрээһиннэри ытытылар. Ол чэрчитинэн, ахсынньы 22 күнүгэр улуус дьаһалтатыгар Нам улуунун бокса-фа федерацията бокса спордун бэтэрээннэрин, тренердэри, боксерды түмэн тэрээһин ыытта. Саха сиригэр спорт бу көрүнүн сайын-

биттэрэ. Маны таһынан, Европа үс төгүллээх чемпиона, 2008 сылаагы Олимпийскай оонньуу призера Георгий Балакшин, норуоттар икки ардыларынаагы кылаастаах спорт маастара Афанасий Пискачин, Олимпийскай оонньуу кыттылааҕа, Россия икки төгүллээх чемпиона Василий Егоров уода. республикаҕа боксаны үөһэ таһаараллар.

Онтон Нам улууһугар республикаҕа киэн-

## БОКСА – ЭР САНАА КӨРҮНЭ



ник биллибит оҕолор тренердэрэ Федот Гаврильевич Дьяконов, спорт бэтэрээнэ, РСФСР үөрэҕириитин туйгуна, СР үөрэҕириитин үтүөлээх учуутала, Нам улуунун Ытык кийитэ, спорт маастара Валерий Романович Кутуков о.д.а. буолаллар. Даҕатан эттэххэ, Юрий Потапов – Саргын «Бокс-тулуур, бокс-дулуур» хоһоонун тылларыгар Андрей Замятин матып айан бокса федерациятын өрөгөйүн ырыатынан буолбута.

Тэрээһингэ Нам улуунун бокса-фа федерациятын бэрэссэдээтэлэ Н.Н. Степанов оҕолорго комплекснай разрядтары, тренердэргэ уонна боксалаһа сылдыбыт спортсменнарга, боксаны өйөөччүлэргэ махтал суруктары үөрүүлээх быһыыга-майгыга туттартаата. Бокса сайдыытын, билигини туругун туһунан спорт бэтэрээнэ, Үөдэй орто оскуолатын директоры А.И. Барашков иһитиннэри онордо, боксага Аан дойду катэгориялаах судьуйата Л.С. Парников Нам улууһугар бокса сайдыытын көрдөрөр музей тэриллэрэ буоллар диэн санаатын этэн туран, бастаан оҕоһуллубут бокса перчаткатын федерация бэрэссэдээтэлигэр туттарда.

С. АРГУНОВ, «Нам улууһа» МТ пресс-киинэ

нары Саха АССР физическай култуураҕа уонна спорка кэмтигэтин бэрэссэдээтэлэ Николай Тарская көбүлээһининэн 1956 сыллаахха республикатаагы бастакы чемпионат ытытыллыабыттан саҕаламмыт. Онтон ыла бокса көрүгэ сайдан барбыта, 1964 с. ССРС чемпионатын улахан рингэтигэр бастакынан Эдуард Кауфман тахсан, боронса мэтээли ылары ситиспитэ. Онтон түөрт сыл буолан баран, кыһыл көмүс мэтээли дойдутугар аҕалбыта. 70-с сыллар бүтүүлэригэр, 80 сыллар саҕаланналарыгар Саха сириин маастардара Александр Михайлов, Николай Жирков уонна Виктор Ефремов Аан дойдутаагы таһымнаах күрэхтэһиллэргэ кыттан бокса историятыгар кири-

## Миигин тэннээгин курдук көр

# ИНБЭЛИИТТЭР — ИННИКИ КҮӨНҮГЭ

Ахсынньы 2-9 күннэригэр Москва куоракка аан дойдутаагы «Золотой пояс» армстрелинг күрөбүр Саха сириин сүрүмүрдэммит хамаандата кытынна.

Күрэхтэһии 3 күн устата барда. Бастакы күн дартс-гирэбэ, армстрелингэ, иккис күн ультра-мастер күрэххэ дартска, армстрелингэ, бодибилдингэ күрэхтэстилэр. Бастакы күн Мария Пестрякова, Афанасий Бурнашов, Гаврил Макаров, Сардана Федорова, Елена Яковлева кытыннылар. 60-90 кг бөлөх аайы 7-16 спортсмен күөн көрүстэ.

Иккис күнгэ ультра-мастер күрэххэ ветеран-спортсменнар: Гаврил Макаров, Петр Бочетов, Елена Яковлева, Марина Литвинова күрэхтэстилэр. Түмүккэ Казахстан 1-ы м., Саха сирэ — 2 м., Московской уобалас — 3 м., Москва куорат — 4 м., Татарстан — 5 м., Кировскай уобалас — 6 м., Волгоградскай уобалас — 7 м. буоллулар.

Кыттааччылар 5 күн «Бэс чагда» санаторийга сынньаннылар. Күрэхтэһии кэмигэр «Кузьминка» түһэр дьыбэ чөлчөгүлээх усулуобуйага олоһбуттар. Кыттааччылар түгэниэн туһунан санаторий салалтатыгар, үлэһиттэригэр барҕа махталла-

рын тиэрдэллэр.

Саха сириин хамаандатыгар Нам, Мэнэ Хангалас, Уус-Алдан, Ньурба улуустарыттан, Дьокуускайтан 9 спортсмен кирибиттэр. Салайааччынан Намтан бу күрэх чемпиона, хас да төгүллээх призера, кыттылааҕа М.Д. Литвинова сырытта. Ньурбаттан С. Гаврильева алтыс, Намтан Гаврил Макаров сэттис төгүлүн күрэхтэстилэр. Саҥа кыттааччылар Мария Пестрякова, Афанасий Бурнашов үчүгэй бэлэмнээхтэрин көрдөрдүлэр. Бары бириистээх миэстэни ыллылар. Маны таһынан араас көрүнүгэ Светлана Матвеева - 6 м., Елена Яковлева - 5 м., Сардана Федорова - 7 м., Петр Бочетов инбэлит спортсменнарга - 7 м., ультра-мастерга - 6 м. ыллылар.

Түгэниэн туһунан Москва курдук ыраах куоракка баран ситиһилээхтик кыттан кэлбиппитигэр спонсордаабыт «Копиртехсервис» (ген. дир. А.Т. Никифоров), республикатаагы инбэлиттэр уопастыбаларын сал. В.П. Никитингэ, көмөлөспүт бар дьоммутугар дирин махтал тылларын этэбит.

Н. Д. СИВЦЕВА — НАМЫЫНА, Аппааны бөһ.

## НОВОСИБИРСКИЙ ЦЕНТР ЗДОРОВЬЯ 20-21 января в п. Намцы

Проводит полное аппаратное тестирование и оценку состояния здоровья:  
• причины аллергических реакций; аллергены;  
• паразитозы;  
• определение склонности к развитию онкозаболеваний на ранних этапах.  
Оценка нарушений по:  
• сердечно-сосудистой системе;  
• бронхо-легочной системе;  
• костно-мышечной системе (суставы, позвоночник);  
• состояние головного мозга;  
• желудочно-кишечного тракта;  
• мочеполовой системе и т.д.  
Дети - с 1 года. Рекомендации, подбор индивидуальных схем оздоровления.

ДЕТЯМ — СКИДКА!

Запись: 8 923 197 07 46



# УҺУРЭХ ТЫТТАР

Өр сылларга биригэ үлэлээбит суол тутуугун биригээдэ биригэдириин, Саха республикатын автотранспорт бочуоттаах үлэһитин, «Үлэбэ килбиэнин иһин» мэтээл хаһаайынын, Россия бочуоттаах дорожниктын, Нам улунун Ытык киһитин **ЯКОВЛЕВ ЕГОР НИКОЛАЕВИЧ** тохсунньу ый 11 күнүгэр 65 сааһын туолар үбүлүөйүнэн «Быйан» ХЭТ үлэһитэрин, администрациятын аатыттан иттикти-истинник ээрдэлибит!

Баҕарабыт күндү киһибитигэр саха алмааһын курдук кытаанах доруобуйаны, оворолун, сиэнэрин өйөөлүлэригэр өйөнөн үһуннук, дьоллоохтук өлөр!

Убаастабыллаах коллегабытын **СИВЦЕВ ГАВРИЛ НИКОЛАЕВИЧ** 60 сааскын туолбут кэрэ-бэлиэ күнүнүн, үөрүүлэх үбүлүөйүнүн иттикти-истинник «Илгэ» потребительскай обществон үлэһитэрин коллектива уонна улусу потребкооперациятын ветераннарын сэбиэтин аатыттан ээрдэлибит!

Баҕарабыт кытаанах доруобуйаны, үлэбэр, олохтор ситиһиллэри, баҕа санаа бастыһын, ыра санаа ымыылааһын, үтүө санаа үтүмэнин, амарах санаа алгыстааһын, хас үүнэр күнтэн үөрэн дьоллоохтук, үһуннук, чэгиэн-чэбдик олорорго!

В декабре 2016 года коллектив акционерного общества «Намкоммунтеплоэнерго» отметил 5-летие образования акционерного общества. 5 лет — это путь развития дорогой развития, модернизации, внедрения новых технологий в сфере жилищно-коммунального хозяйства. Указом Главы Респу-

блики Саха (Якутия) от 22 декабря 2016 года № 1594 за значительный вклад в развитие жилищно-коммунального хозяйства Республики Саха (Якутия), успешную реализацию Инвестиционной программы акционерного общества «Намкоммунтеплоэнерго» за период с 2012 по 2015 годы, техническое обновление в модернизацию котельного оборудования с применением новых энергоэффективных технологий, обеспечение надежности теплоснабжения и комфортности для потребителей генеральном директору АО «Намкоммунтеплоэнерго» Игнатьеву Николаю Васильевичу присуждена Государственная премия Республики Саха (Якутия) имени И.Е. Винокурова в области материального производства.

Главный инженер АО «Намкоммунтеплоэнерго» Тихонов Евтропий Алексеевич стал победителем республиканского конкурса «Лучший инженер Якутии» в номинации «Коммунальное хозяйство, бытовое обслуживание» и награжден дипломом и нагрудным знаком «Лучший инженер Якутии». Организаторы конкурса Союз «Торгово-промышленной палаты Республики Саха (Якутия)» и Правительство Республики Саха (Якутия).

**Уважаемый НИКОЛАЙ ВАСИЛЬЕВИЧ! ЕВТРОПИЙ АЛЕКСЕЕВИЧ!**

Коллектив АО «НКТЭ» сердечно поздравляет Вас с высокой правительственной оценкой трудовых достижений в области инновации и желает еще больших новых решений, идей для развития нашей сферы. Мы гордимся, что под Вашим умелым руководством АО «НКТЭ» находится в первых рядах в жилищно-коммунальной сфере в республике. Желаем счастья, благополучия Вам и Вашей семье в Новом году!

**Коллектив АО «Намкоммунтеплоэнерго»**

## ЫТЫКТАБЫЛЛААХ НАМ УЛУУҔУН ОЛОХТООХТОРО!

«Төрүт уу» тэрилтэ «Олонхо» атыы дьиэтигэр үлэ күнүгэр 9.00. чаастан 19.00. чааска диэри, баскыһаннаҕа 10.00. чаастан 18.00. чааска диэри үлэлиир.

Дьиэбэ тиэрдэн биэрии диспетчерэ 10.00. чаастан 18.30. чааска диэри үлэлиир.

Билсэр телефоннар: 8-924-873-73-11, 8-914-300-11-70.

Баскыһаннаҕа дьиэбэ тиэрдии оҥоһуллубта.

Аппааныга Л. Левин уул. 3 №-гэр атыыланар (урукку кулууп кинобудката). Үлэ күнүгэр 9.00 чаастан 18.00 чааска диэри. Баскыһаннаҕа үлэлээбэт.

**Считать недействительным** утерянное водительское удостоверение на имя Эверстова Сергея Михайловича

® **Продаю** участок в с. Намцы. Можно на мат. капитал. **Тел. 89246619102**

® **Срочно продаем** участок Көчү 2, сухой, собственность, цена — 250 т.р. Возможен торг. **Тел. 89248708417, 89143012135 (можно ватсап)**

® **Грузовые перевозки.** **Тел. 89644258617, 89841160270**

## КЭРИЭСТЭБИЛ

Тохсунньу ый 4 күнүгэр биһиги ыал тапталлаах ийэбит, эбэбит Атласова Анна Семеновна ыараханлык ыалдьан күн сириттэн букатыннаахтык барбыт 1 сылын туолла. Сыл-хоһук аһыны мүлүрүтөр дииллэр даһаны, күндү киһибит сырдык мөссүөнэ күннээҕи түгэннэри кытта ситимнэнэн, мэлдьи ахтыллар, өйтөн сүрэхтэн арахпат...

Ийэбит — Анна Семеновна — 1938 сыллаахха ыам ыйын 16 күнүгэр Үөдэй нэһилиэгэр күн сирин көрбүтэ. Ийэтэ — Александр Михайловна Бурцева Уус Алдан Чараныттан төрүттээх, аҕата — олохтоох Үөдэй киһитэ — Семен Михайлович Ядрев. Аҕалара эрдэ өлөн, ийэтинэн уонна балтынаан хааланнар, кыһалҕаны билэн улааппыта, эрдэ үөрэҕитин уурайан, үлэһит буоларга күһэллэбитэ.

Үөдэйгэ Ыччат комсомольскай ферматыгар күргүөмнээхтик үлэлээбит кэмнэрин, оччотооһу доҕотторун олус үчүгөйдик ахтара, билсэрэ. 1962 сыл ахсынньытыгар Таастаахтан төрүттээх, отделение биригэдьиэрэ аҕабытын Атласов Павел Ивановичы кытта уруу кизлэһэ түрүйүлэр. Аҕабытын «Нам» совхоз киин уһаайбатыгар — 1 Хомустаахха биригэдьиэринэн аһааннар, сана ыал манна көһөн тахсан, дьиэ-уот туттан олохсуйаллар. Манна да кэлэн, пенсияҕа тахсар диэри ыйыры көрөөччүнэн үтүө суобастаахтык үлэлээбитэ.

Ийэбит олох күчүмэйдэриттэн бэйэтэ үөрхтөөккө хаалбыт буолан, туохтааҕар даһаны билиини, үөрэҕи өрө тутара. Баастаан балтын — Александра Се-

меновнаны — ийэлэрэ бу олохтон барбытыгар, соҕотох бэйэтэ көмөлөһөн, педучилищеҕа үөрэттэрэр, онтон аҕабытын Салайар кадрдар техникнарыгар үөрэххэ ыыһыттарыгар, усулбууйа тэрийэн, 4 оҕолоох хаалан, 3 сыл уста да дьиэни-уоту, кэтэх хотону, совхоз сүөһүтүн бэйэтэ көрөн, соҕотох бэйэтэ үлэни бүтүннүү үмүрүтэн сылдан, аҕабыт дипломнаах үлэһит буолар.

Бизэс оҕолоро хайаан да үөрэхтээх буолалларыгар төрөппүттэригэр туох баар кыахтарын, санааларын уурбуттара. Аҕабыт уруккутун аҕабытыгар өрүү көмөлөһөрө, чииппэрдэр түмүктэринэн ким туох ситиһиллээгинэн миннигэс бэлэх тутарбыт. Почтаҕа саамай элбэх хаһыакка, сурунаалга сурутааччы биһиги ыал этибит диэтэхпитинэ — ол оһун буолбатах. Дьиэбитигэр элбэх аҕабыт кинигэлээх этибит, онно хаһан да харчы кэмчилэммэтэҕэ. «Фами» диэн клавишалаах инструмент ылан биэрбиттэрэ, улахан радиоланан баҕарар пластинкаларбытын суруттаран ылан истэрибит, дьоммут аҕыһаһыт инструментнарын — баяны — аҕабыт чехолуттан хостоон, сөбүлүү истибит матыһыбын таһааран, иккиэн ыллыыр иэйи-иллээх киһилэрин бу бөдөһээ буолбут курдук өйдүүбүт. Сайдарга, сатабыллары иҥэринэр баҕа санааларбытын төрөппүттэригэр барахсаттар оҕо эрдэхпиттэн бары өтүнөн өйөөбүттэр, өйдөөбүттэр да эбит диэн махтанар эрэ этибит!

Күндү дьоммут 44 сыл эйдэмнээхтик олорон, толору дьоллоох дьиэ-кэргэнгэ 5 оҕо төрөөн-үөскээн, үөрэнэн, дьоммут туппут көмүс нээкэ уйабытыттан кынат аннынан, бары олох киэн суолугар үлэһит буолан үктэмийиппит. Үөрэххэ олоххо ситиһиллэрибиттэн сэмэйдик үөрэллэрэ, хаһан да-

ҕаны бэйэлэрин эппиттэрин соннобокко, сүбэ-ама буолан аттыбытыгар сылдыбыттара. Дьиэ-уот туттарбытыгар, тириэртигэр күөс-көмө буолан, сиэннэри биэбэйдэһэн, олоһор, үлэлиир балаһыанньабытын оһорсубуттара. Дьоммутугар уостубат кыһамныыларыгар, сыралаах үлэлэринэн кыһалҕа диэни биллэрбөккө улаатыннарбыттарыгар, үөрэххэ, дьарыкка дуулуурдаах, хара үлэттэн толлубат, ыарахаттартан чаһыбат буоларга иһиптэригэр мунура суох махталлаахпыт!

Ийэбит — Анна Семеновна олову олус сыаналыыра, таптыыра, сонуну сонургуура, кыраттан да үөрэрэ, мэлдьи сэргэх киһи этэ. Ыраас, аһыныгас санаалаах, чэнчис туттунуулаах буолара. Аймахтарыгар, чугас билсэр дьонугар кэмигэр сөптөөх тыллары булан, туһалаах сүбэлэри биэрэрэ, ыарахан түгэннэргэ өйөөбүт буолара. Кыра да сонун кинини сэргэхситэрэ, бэйэтэ ураты туттар, хоһуйар тыллардаах этэ. Тонугу-хатыы, өрөбүлэ суох хара үлэ доруобуйатыгар оһсон, сүрэх-тымыр, сүһүөх ыарылырыттан үйэтин тухары эрдэммитэ, ол да иһин доруобуйатын көрүнэрэ, чэбдигирдэр ньымалары туттара, хайаан да туругун кэтэнэрэ, көрдөрүнэрэ. Элбэхтэ эмтэнэр буолан, үрүң халааттаах эмчиттэргэ ураты истинник сыһаннаһара, махтанара. Ыарахан ыарыыга ылларан да баран, санаатын күһүнэн эмтэнэн, үтүөрүргэ эрэллээх этэ.

Ийэбит, эбэбит барахсан, сирдээҕи Аанһалбыт, барыбыт туһугар бу олохтон барыар диэри кыһалла, күннээҕи кыһалҕаларбытын үллэстэ, ыйа-кэрдэ, дыһайса олоһубта. Кини сырдык, кэрэ сэбэрэтин, биһиэхэ мунура суох тапталын үйэбит тухары санаахпыт, ахтыахпыт.

**Оболоро, сиэннэрэ**

## РЕШЕНИЕ № 17 от 28 декабря 2016 г. О бюджете наследной администрации муниципального образования «Хамагаттинский наслег» на 2017 год

Руководствуясь Бюджетным кодексом Российской Федерации, Законом Республики Саха (Якутия) «О бюджетном устройстве и бюджетном процессе в Республике Саха (Якутия)», Уставом муниципального образования «Хамагаттинский наслег» Республики Саха (Якутия), Положением о бюджетном процессе в муниципальном образовании «Хамагаттинский наслег» Республики Саха (Якутия), основными направлениями налоговой и бюджетной политики муниципального образования «Хамагаттинский наслег», наслегный Совет депутатов муниципального образования «Хамагаттинский наслег»

**РЕШИЛ:**  
Статья 1. Основные характеристики бюджета и иные показатели местного бюджета на 2017 год.

1) утвердить основные характеристики бюджета и иные показатели местного бюджета на 2017 год.

1) прогнозируемый общий объем доходов в сумме 30 367 355,00 рублей, из них налоговые и неналоговые доходы в сумме 2 464 955,00 рублей, безвозмездные поступления в сумме 27 902 400,00

рублей, из них межбюджетные трансферты из государственного бюджета Республики Саха (Якутия) в сумме 27 902 400,00 рублей;

2) общий объем расходов бюджета в сумме 30 367 355,00 рублей;

3) дефицит местного бюджета в сумме 0 тыс.руб.

Статья 12. Вступление в силу настоящего решения.

Настоящее решение вступает в силу с 1 января 2017 года.

Бюджетные ассигнования, лимиты бюджетных обязательств и предельные объемы финансирования, предусмотренные на текущий финансовый год прекращают свое действие 31 декабря 2017 года.

Статья 13. Обнародование и опубликование настоящего решения

Настоящее Решение подлежит официальному обнародованию на информационном стенде, опубликованию на сайте sakha.gov.ru.

Статья 14. Контроль за исполнением настоящего решения

Контроль за исполнением настоящего Решения возложить на постоянную комиссию по налоговой, бюджетной и экономической политике (предс. Назаровой В.Н.)

**Председатель Наследного Совета Муниципального образования «Хамагаттинский наслег» Республики Саха (Якутия) Максимов И.Н.**  
**Глава муниципального образования «Хамагаттинский наслег» Республики Саха (Якутия) Максимов И.Н.**

Күндү эбэбит, хос эбэбит, Нам улунун, 2 Хомустаах Ытык киһитэ, сэрэи кыттылааһын оҕдообото, тыыл, улэ ветерана <b>ИНДЕЕВА Варвара Николаевна</b> б.д. тохсунньу 8 күнүгэр 98 сааһыгар күн сириттэн туораабытын диригиник курутуйан туран иһитинэрэбит. <b>Кийитэ, сиэннэрэ, хос сиэннэрэ</b>	Убаастыыр саҕаспыт, СР доруобуйатан харыстабылын туйгуна, улэ ветерана, Ленский нэһилиэк Ытык киһитэ <b>КОЛМОГорова Мария Дмитриевна</b> уһун, ыарахан ыарыттан күн сириттэн барбытынан убайытыгар Егор Ивановичка, оһолоругар, сиэннэригэр, аймахтарыгар, коллегаларыгар дириг кутурбаммытын тиэрдэбит. <b>Намтан Акулина Иннокентьевна, Григорьевтар</b>
Күндүтүк саныыр, биригэ үөрэммит табаарыспытыгар Петр Петрович Гуляева, кини оһолоругар, сиэннэригэр, биригэ төрөбүттэригэр, аймахтарыгар таптыыр кэргэнэ, ийэлэрэ, эбэлэрэ, саҕастара, өр сылларга Намнаағы Лесопуун тэрилтэтигэр суоппарынан үлэлээбит <b>ГУЛЯЕВА Евдокия Николаевна</b> уһун, ыарахан ыарыттан олохтон туораабытынан дириг кутурбаммытын тиэрдэбит. Аһыгытын тэнгэ үллэстэбит. <b>10 «а» кылаас 1971 сыллаах выпускнигара</b>	Тапталлаах кэргэн, аҕа, эһэ, Нам олохтооһо <b>ПРОКОПЬЕВ Ефим Ефимович</b> соһумардык күн сириттэн барбытынан кэргэнэ-гэр, оһолоругар, сиэннэригэр, биригэ төрөбүттэригэр уонна бары чугас аймахтарыгар дириг кутурбаммытын тиэрдэбит. <b>НТШ ДОСААФ России Намнаағы коллектива</b>
Коллектив ОГПС РС(Я) № 23 по МО «Намский улус» выражает глубокое соболезнование диспетчеру ПЧ-1 с. Намцы Малеевой Светлане Петровне в связи с кончиной ее матери <b>ГУЛЯЕВА Евдокия Николаевна.</b>	Выражаем глубокое соболезнование Атласовой Анне Николаевне по поводу ухода из жизни горячо любимого брата <b>КИРИЛЛИНА Алексея Николаевича.</b> Скорбим вместе с вами <b>Коллектив Намской улусной гимназии</b>
Күндү оһуолаттаағы сылтан дьүөгэм <b>БОЧУРОВА (ИСАКОВА) Евдокия Викторовна</b> эмискэ ыалдьан олохтон барбытынан кэргэнигэр Николайга, оһолоругар, сиэннэригэр, биригэ төрөбүттэригэр дириг кутурбаммытын тиэрдэбит. Дьокуускайтан Маричана	Выражаем глубокое соболезнование однокласснице Атласовой (Кириллиной) Анне Николаевне, родным и близким по поводу кончины после болезни любимого брата <b>КИРИЛЛИНА Алексея Николаевича.</b> Скорбим вместе с вами. <b>Одноклассники 1978, 1980 гг. выпуска</b>
Хамагатта нэһилиэгин олохтоохторугар, Индеевтар дьиэ кэргэтигэр, бары аймахтарыгар уонна биригэ үлэлиир коллегабытыгар, 1 №-дээх «Сарыал» детсад сэбиэдиссэйигэр Индеева Саргылана Руслановна, эбэлэрэ, хос эбэлэрэ, 2 Хомустаах нэһилиэгин уонна Нам улунун Ытык киһитэ, «Гражданской килбиэн» бэлиэ, улэ, тыыл ветерана <b>ЗАМЯТИНА Варвара Николаевна</b> 98 сааһыгар бу олохтон туораабытынан дириг кутурбаммытын тиэрдэбит. <b>Хамагатта 1 №-дээх «Сарыал» детсад коллектива</b>	Выражаем глубокое соболезнование детям, внукам, родным по поводу кончины после тяжелой болезни <b>СЫСОЛЯТИНА Тихона Александровича.</b> Вместе с вами разделяем горечь утраты. <b>Семья Поповых</b>
Күндүтүк саныыр кэргэним, тапталлаах аҕабыт, эйэбэс эһэбит, потребкооперация туйгуна <b>СОФРОНОВ Сергей Прокопьевич</b> б.д. тохсунньу 1 күнүгэр уһун, ыарахан ыарыттан күн сириттэн барбытын аймахтарыгар, бары билэр, чугас дьонугар, доһотторугар диригиник курутуйан туран иһитинэрэбит. <b>Кэргэнэ, оһолоро, сиэннэрэ, аймахтара</b>	Коллектив Намской улусной гимназии выражает глубокое соболезнование коллегаем Поповой Людмиле Тихоновне и Евсею Михайловичу по поводу кончины любимого отца, дедушки, ветерана тыла и труда <b>СЫСОЛЯТИНА Тихона Александровича.</b> <b>Скорбим вместе с вами.</b>
Убаастыыр саҕаспыттар Прасковья Петровнага, оһолоругар, сиэннэригэр, чугас дьонноругар тапталлаах кэргэнэ, аҕалара, эһэлэрэ <b>СОФРОНОВ Сергей Прокопьевич</b> ыарахан ыарыттан орто дойдун олоһунан туораабытынан бэйэбит дириг кутурбаммытын тиэрдэбит. <b>Намтан биригэ төрөбүттэрэ</b>	Өр сылларга ыаллы оһорбут Нам селотун олохтооһо, «Суол» ООО суопара <b>ЭВЕРСТОВ Прокопий Исаевич</b> бу күн сириттэн соһучу барбытынан эбэнигэр, оһолоругар, аймахтарыгар дириг кутурбаммытын тиэрдэбит, аһыгытын тэнгэ үллэстэбит. <b>Протопоповтар дьиэ кэргэтигэрэ</b>
Убаастыыр балтыбытыгар, эдьийибитигэр Прасковья Петровнага, оһолоругар, аҕалара, Сашага, Александрга, Олега, сиэннэригэр, чугас дьонноругар тапталлаах кэргэнэ, аҕалара, эһэлэрэ <b>СОФРОНОВ Сергей Прокопьевич</b> ыарахан ыарыттан күн сириттэн барбытынан бэйэбит дириг хомолубутун тиэрдэбит. <b>Дьокуускайтан, Покровскайтан, Сунтаартан аймахтарыт Поповтар, Евсеевтар, Филипповтар, Пестряковтар, Игнатьевтар</b>	«Илгэ» потребительскай обществон үлэһитэрин коллектива уонна улусу потребкооперациятын ветераннарын сэбиэтэ биригэ үлэлиир коллегабытыгар Протопопова Фаина Исаевнага, кини оһолоругар, сиэннэригэр, чугас аймахтарыгар биригэ төрөбүттэригэр тыраата <b>ЭВЕРСТОВ Прокопий Исаевич</b> олохтон туораабытынан дириг кутурбаммытын тиэрдэбит.
Истинник саныыр дьүөгэбэр Григорьевна Генриеттага, кыргыттарыгар Анотага, Аленага, сиэннэригэр күн күбэй ийэтэ, эбэлэрэ <b>ЛЕБЕДЕВА Марина Ивановна</b> 79 сааһыгар уһун, ыарахан ыарыттан туораабытынан дириг кутурбаммытын тиэрдэбит. <b>Надя, Сеня Винокуровтар</b>	Күндү, чугас ыалытыгар Мария Исаевнага, биригэ төрөбүттэригэр, аймахтарыгар ырааттара, убайдарга, таайдарга <b>ЭВЕРСТОВ Прокопий Исаевич</b> эмискэ ыалдьан биһиги кээкэбиттэн курраммитинэн дириг кутурбаммытын тиэрдэбит. <b>Филипповтар, Васильевтар, Дьяковтар, Павловтар, Колесовтар</b>

**Кылаабынай редактор э.т. Л.А. НОГОВИЦЫНА**  
**ОТДЕЛЛАР:**  
редакторы солбуйааччы — 41496, хаһыаты таңыы — 41332, бухгалтерия — 41141, факс — 41141, 41496.

**Тэрийэн таһаарааччылар:** СР Правительствота, «Нам улунун «Энсиэли» хаһыат редакцията» автономнай учреждение. Сибээс, информационнай технологиялар уонна маассабай коммуникациялар эйгэлэригэр кэтээн көрүүгэ Федеральной сулууспа СР управлениетыгар 2012 с. олунньу 7 күнүгэр регистрацияламмыт нүөмэрэ — **ПН №ТУ14-0216.**  
Сурукка ааккытын-суолугун, үлэһитин, дьиэбит аадырыһын чопчу ыйын. Редакцияҕа кирипит суруктар төнөрүллүбэттэр. **Автор этэрэ хаһыат санаатынын мэлдьи биир буолбат.**  
**«ЭНСИЭЛИ» - Нам улунун хаһыата.**  
**678380, Саха Республиката, Нам улунун, Нам сэл., Заложнай уул. 4.**  
**E-mail: Namtsy41141@mail.ru**

«Энсиэли» хаһыат РИС таһылына, таһылына уонна бэчээтиир сыһар бэчээттэннэ.  
**Аадырыһа:** Нам сэл. Заложная уул. №4 Формата А3. Кээмэйэ 1,0 бэчээт. Лиэс  
**Көңүл сыананан атыыланар Индекс — Р0005.** Тиража — 1261  
Бэчээкэ илии баттаньтын графига — 12:00 ч. 09.01.2017 с.  
Бэчээкэ илии баттанна — 11:20 ч. 09.01.2017 с.